

საჯარო სამართლის იურიდიული პირი
ილიას სახელმწიფო უნივერსიტეტი
ბიზნესის, ტექნოლოგიისა და განათლების ფაკულტეტი



ბრძანება

ქ. თბილისი

N 216-03

13/02/2026

ილიას სახელმწიფო უნივერსიტეტის ბიზნესის, ტექნოლოგიისა და განათლების ფაკულტეტზე 2025-2026 სასწავლო წლის გაზაფხულის სემესტრისათვის გარე მობილობის წესით ჩარიცხვის მსურველ პირთათვის შიდა საუნივერსიტეტო გამოცდების პირობებისა და თარიღების დამტკიცების შესახებ

უმაღლესი განათლების შესახებ საქართველოს კანონის 29-ე მუხლის მე-3 პუნქტის „ე“

ქვეპუნქტის, საქართველოს განათლებისა და მეცნიერების მინისტრის 2013 წლის 11 სექტემბრის №134/ნ ბრძანებით დამტკიცებული „საჯარო სამართლის იურიდიული პირის ილიას სახელმწიფო უნივერსიტეტის“ წესდების 26-ე მუხლის მე-3 მუხლის, „საჯარო სამართლის იურიდიული პირის ილიას სახელმწიფო უნივერსიტეტის“ რექტორის 2026 წლის 30 იანვრის N 105-03 ბრძანების გათვალისწინებით

ვბრძანებ

1. ილიას სახელმწიფო უნივერსიტეტის ბიზნესის, ტექნოლოგიისა და განათლების ფაკულტეტის ტექნოლოგიის სკოლის საბაკალავრო საგანმანათლებლო პროგრამებზე: „კომპიუტერული მეცნიერება (ძირითადი სპეციალობა)“, „კომპიუტერული ინჟინერია (ძირითადი სპეციალობა)“, „კომპიუტერული ინჟინერია (საერთაშორისო)“, „სამოქალაქო ინჟინერია (ძირითადი სპეციალობა)“ (ინგლისურენოვანი), „სამოქალაქო ინჟინერია (ძირითადი სპეციალობა)“, „ელექტრული და ელექტრონული ინჟინერია (ძირითადი სპეციალობა)“ გარე მობილობის წესით ჩარიცხვის მსურველთათვის შიდა საუნივერსიტეტო გამოცდა ჩატარდეს გასაუბრების ფორმატით და მის ძირითად მიზნად განისაზღვროს დარგობრივი ცოდნისა და მოტივაციის შეფასება. სამაგისტრო საგანმანათლებლო პროგრამაზე „თანამედროვე მათემატიკის ძირითადი პარადიგმები და გამოყენებები“ ჩარიცხვის მსურველთათვის შიდა საუნივერსიტეტო გამოცდა ჩატარდეს წერით და გასაუბრების ფორმატით.
2. საბაკალავრო და სამაგისტრო საგანმანათლებლო პროგრამებზე გარე მობილობის წესით ჩარიცხვის მსურველთათვის შიდა საუნივერსიტეტო გამოცდა გასაუბრება/საგამოცდო პერიოდად განისაზღვროს 17 თებერვალი.

3. შიდა საუნივერსიტეტო გასაუბრება/გამოცდა ჩატარდეს ილიას სახელმწიფო უნივერსიტეტის T კორპუსის 303; 306; 307 ოთახებში, 09:00 საათიდან.
4. დეტალური ინფორმაცია შიდა საუნივერსიტეტო გამოცდის დროის შესახებ უნივერსიტეტის ვებგვერდზე განთავსდეს არაუგვიანეს 16 თებერვლის 18:00 საათისა.
5. შიდა საუნივერსიტეტო გასაუბრება/გამოცდის შედეგები უნივერსიტეტის ვებგვერდზე გამოქვეყნდეს არაუგვიანეს 17 თებერვლის 18:00 საათისა.
6. გარე მობილობის წესით ჩარიცხვის მსურველებმა საპრეტენზიო განაცხადები ბიზნესის, ტექნოლოგიისა და განათლების ფაკულტეტზე გადმოაგზავნონ შემდეგ ელ. მისამართზე bte@iliauni.edu.ge 18 თებერვლის 12:00 საათის ჩათვლით.
7. განმეორებითი გასაუბრება/გამოცდის პერიოდად განისაზღვროს 18 თებერვალი.
8. უნივერსიტეტის საზოგადოებასთან ურთიერთობის სამსახურს დაევალოს ამ ბრძანებაში მითითებული ინფორმაციის გამოქვეყნება უნივერსიტეტის ვებგვერდზე.
9. უნივერსიტეტის კანცელარიას დაევალოს, მიაწოდოს ამ ბრძანების ასლები საზოგადოებასთან ურთიერთობის სამსახურს, ხარისხის უზრუნველყოფის სამსახურს, იურიდიულ სამსახურს, საინფორმაციო ტექნოლოგიების სამსახურს.

ნიკოლოზ ყაველაშვილი



დეკანი

